

28

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

T 9297.1100 B.



玉海卷第三十

浚儀王應麟伯厚甫

聖文

御製詩歌

哈佛大學漢和
圖書館珍藏印

太平興國賜進士詩 雍熙

淳化賜進士

詩箴儒行篇

興國二年正月八日巳巳宴新進士呂蒙正等於開
寶寺賜御製詩二首以寵之 故事敕下之日醞錢
於曲江為聞喜之飲近世多於名園佛廟至是官為
供帳八年四月辛卯朔賜宴瓊林苑為定制 雍熙

二年三月戊寅二十日賜新進士梁顥等御製詩二章

端拱二年三月二十五日賜新進士陳堯叟等御製

箴一首淳化三年三月癸卯九日賜新進士孫何等

御製箴一首巳酉賜儒行篇各一軸令至治所著於

壁以代座右之誡丙辰宴瓊林苑御製詩三首賜之

興國三年賜進士馮拯詩當考

郭贄傳太宗在晉邸時凡製篇詠多令繼屬真宗嘗

訪其賜本贄集為四卷以獻詔獎之呂文仲傳咸

平三年受詔集太宗歌詩為三十卷詔嘉獎楊徽

之傳興國初代還太宗素聞有名盡索所著以數百

篇奏御且獻詩稱謝太宗覽之大稱賞和以賜之自

是聖製篇什多以別本為賜扈蒙傳太平興國九

年將東封進宣示內外御禮草上嘉其文御批紙尾

以獎之明年春侍宴後苑近臣應制賦詩蒙詩末句

云微臣自愧頭如雪亦聽鈞天侍玉皇上曰善因事

陳情翌日和以賜之有珍重老臣之語時為翰林承旨

太平興國御製獵詩 習射賜詩 咸平

大閱詩

二年九月丙辰二十日校獵近郊長編云上始丁巳御

制衣獵詩二章賜羣臣屬和九年三月壬申即雍熙元年幸含

芳園習射宰臣宋琪贊頌神武與李昉呂蒙正李至等各賦詩進上和賜之咸平二年八月丙寅大閱東武村丁卯賜近臣飲于中書作大閱五言詩

太平興國聞捷奏詩 平晉賦 詩記

四年征河東二月己卯始次欒城則有詩四月癸亥進次天威則有早行詩甲子次新興有書懷等三詩丙寅次側石頓有聞捷奏蕩平隆州詩皆賜從官和五月壬午幸城南自草賜劉繼元詔己丑製平晉賦賜從官令繼作又製平晉五七言詩各一首俾屬和丁酉製平晉記辛丑發晉陽有凱旋之賦癸卯回鑾

又有書懷之詩皆令從臣繼和

太平興國新茶詩

四年六月戊午賜從官新茶御製新茶詩詔屬和庚申車駕北征范陽幸酉次定州御製悲陷蕃民并值兩詩二首賜從官俾屬和五年三月戊子會鞠於大明殿上獲多筭己丑御製擊毬五七言詩各一首詔近臣屬和辛卯御製擊毬詩賜近臣屬和八年九月戊午製晚秋五七言詩二首賜近臣九年八月壬午製四成字四高字詩各一首賜近臣令屬和

太平興國喜春雨詩

五年十二月丙申御製喜春雨詩一首賜近臣得之屬和
太平興國大名凱旋詩

五年十月契丹主親領兵數萬犯雒州乘虛逐至高
陽關十一月己酉詔巡北邊壬子發京師戊午次大
名雒州言契丹遁去車駕即凱旋上作詩示羣臣有
一箭未施戎馬遁六軍空恨陣雲高之句實錄云
興國五年太宗親征北虜師還帝作詩有塞塵
塞朔野陣雲飛之句何蒙采二句為詩賦以獻

太平興國賜趙普詩

八年十一月丁卯宴餞趙普於長春殿上賦詩賜普

普以昭文相節度鄧州上不欲煩以樞務擇善地
俾之卧理因詩什以導意普曰當刻於石上謂近臣
曰君臣之際亦盡善矣 詔齋御詩召陳搏赴闕

太平興國平河歌

九年三月壬子以河決將塞命學士宋白乘傳祭白
馬津沈太牢加璧已未滑州言河決已塞群臣稱賀
先是河決韓村數州罹災發卒五萬以步軍帥田重
進督其役劉吉副之吉親負土與彼徒晨夜兼作至
是而塞上製平河歌賜宰臣宋琪等因謂曰昔漢武
有瓠子之歌今朕聊志一時之事實錄 壬申幸含

監
芳園習射又製晚春遊含芳園五言十韻詩一首賜
宋琪等乙卯召宰臣近臣宴後苑上賦詩一章賜侍
臣俾屬和

雍熙賞花賜詩 淳化

雍熙元年三月乙丑召宰相近臣賞花後苑上曰朕
以天下之樂為樂且令侍從詞臣各賦詩 賞花賦詩
自此始 二年三月癸酉日命宰相李昉等就第為
觀花賦詩之會酒酣各賦奉詔賞花詩帝亦作詩賜
之翌日學士扈蒙等詣垂拱殿門謝九月甲戌重陽
詔昉等為登高會又賜詩二首四年三月己卯 十七

賞花宴于後苑上臨池垂釣令侍臣賦賞花釣魚詩
應制者凡二十有六人俄出五言御詩一章賜宰臣
李昉等晚御水心殿習射翌日庚辰上依韻和宰相
及知制誥而上十三人所進詩以賜又令和所進應
制詩以獻九月起居舍人田錫獻乾明節祝壽詩二
十韻上謂宰相曰錫言事可稱賞因和以賜之丁丑
以為知制誥淳化元年二月己未 十三 詔近臣後苑
宴射賦詩上亦賦一章賜宰相呂蒙正等三年三月
二十二日 又見後 幸金明池宴從臣瓊林苑作游瓊
林苑詩賜近臣五年三月戊午 六 名近臣賞花宴後

苑上臨池釣魚命羣臣賦詩時應制三十九人上亦
 賦詩以賜宰相呂蒙正等因習射上中的者六張樂
 飲酒詔羣臣盡醉八月戊子社詔近臣宴于中書御
 製詩賜之至道元年九月壬子重陽賜近臣於中書
 宴飲以御詩賜之

雍熙賜近臣歌詩

元年十一月甲子上齋宿正殿乙丑宿太廟上以天
 氣晴和作歌詩賜近臣令屬和丙寅親享五室出宿
 于齋宮丁卯日南至親祀南郊御乾元門大赦改元
 二年正月巳未上元御乾元門樓觀燈夜漏初上密

雪忽降上謂宰相曰可各賦觀燈夜瑞雪滿皇州詩
 以為娛樂上賦詩示羣臣宰相宋琪等咸奉和三年
 十月庚戌賜宰相以下宴於樞使王顯第賜李昉御
 製雜言一篇四年十一月己亥以御製自勉五七言
 詩六首雜言詩一首賜近臣三年六月戊戌朔上
 以諸將違詔失律作自勉詩賜宰相李昉樞使王顯
 等詩五首五年五月庚辰司空致仕李昉獻詩陳情
 叙感上和以賜之仍別賜昉詩一首

雍熙宴羣臣詩

元年十二月二十二日西郊祀畢賜宰相文武等

宴于尚書省帝作詩二首以賜其日晚又宣旨曰今日卿等宴會恐未盡歡可更賜來日宴樂群臣獻歌詩賦頌者數十人並付史館於是後三日
二月甲午召近臣宴後苑丙申大酺丁酉賜文武常
官詣尚書省宴飲上賜詩二首二年四月丙申上
幸金明池因幸瓊林苑習射上為歌詩賜羣臣九月
庚戌重陽節賜近臣宴於李昉第御製七言二韻詩
一首賜之十月乙卯賜近臣宴於樞使王顯第賜御
製詩一首

雍熙南至賜詩

二年十一月壬寅日西空群臣詣閣拜表稱賀以御
製詩二首賜宰相宋琪等三年二月丙辰寒食上製
詩賜宰相李昉等

雍熙雪詩

端拱瑞雪歌 淳化雪詩

南郊詩

雍熙二年十一月戊子以時雪未降命群臣分禱宗
師祠廟是日雨雪上悅製詩二首賜宰相等今屬和
三年十一月戊寅日南至御製七言冬至詩一首賜
宰相李昉等今屬和丙戌以幸建隆觀相國寺祈雪十
二月乙未朔大雨雪上悅其晚御玉華殿宴宰相

近臣謂曰得此嘉瑞思
 首令屬和四年正月乙
 月戊午製中春遣懷詩
 以光州所進綠毛龜示
 七月乙丑御製早秋詩
 近臣丙子中元製五言
 辛卯朔兵部郎中揚徽
 章上覽而嘉賞依韻和
 松風雪月煙花詩共五
 詩二歌一首賜宰相九
 月辛酉朔維州進嘉禾
 製

嘉禾合德五言詩二首賜
 韻菊詩一首賜近臣辛未
 步虛詞二十章上依韻和
 臣上壽詩一首賜宰相及
 言詩一首今屬和五年正
 十韻詩賜宰相助等令屬
 進賀雪詩稱旨故也是年
 併召赴相府御筆命試詔
 丙寅以為首史館二年十
 中書令各賦詩上製瑞雪
 淳化二年

戊申甲辰日南至製冬日詩賜近臣三年正月戊
戌製朝元及元日除夜詩各一首賜近臣屬和癸卯
大雨雪賜近臣於中書宴飲御製詩賜之三月戊戌
兩誌足直昭文館李宗諤獻詩三篇上於紙尾批御
詩一首賜之有傳家之子能又章之句戊申賜宰相
李昉詩一首庚申二時宴射瓊林辛酉御製遊瓊林
苑詩賜近臣八月己卯上賦社日詩六首賜近臣三
年十二月丁卯大雪數年已來涉冬無雪至是降
及尺餘上喜賜近臣宴於中書日詔令盡醉上賦詩親
以八分書遣中使就宴所賜之是日又詔祕書監李
以

夏時

至會三館學士宴於祕閣凡應制賦詩者
四年正月辛卯合祭圓丘癸巳上賦南郊
言詩六首賜近臣乙未大雨雪上作三春
三首賜近臣癸卯辛乾元樓宴作觀燈詩
賜近臣令屬和十一月甲寅朔日南至上
近臣宴於中書上賦詩賜之十二月庚子
詩三首賜近臣五年正月甲寅朔上製元
五言各二首賜近臣俾屬和翰學張洎上
意凡數千言甚稱旨上命宰相召至中書
雍熙賜近臣詩

見御書

端拱東郊籍田詩

元年正月丙子賦東郊籍田五七言詩各
臣羣臣獻詩賦贊頌者五十三人。是月
道節度使趙普御詩又召直史館魏庠已
賜御詩。上親耕籍田普上疏引姚崇上
求來朝上允之禮畢冊拜太保昭文相。

淳化喜雨詩

淳化二年十二月癸未作喜雨詩

熙四年四月癸中丞李度獻春爾

嘉昨進賀雨詩朕特與繼和可召至

端拱初度使交州賜詩寵行有奉使南遊

夏侯嘉正上元獻五言十韻詩上和

好進有狹劣終難舉通才列上居之句

淳化御製刑政稼穡詩三體書詩見御書

壬午御製刑政稼穡詩一首賜近臣宰相

謝癸未上親真草行小草四體書刑政稼

首以示近臣

淳化祕閣宴賜詩

曾修祕閣八月成戊辰賜宰臣李昉已下

賜詩美之

淳化賜詩 四體書

月丁巳上賦詩一首示翰林學士張洎錢

等賜坐於崇政殿西廡謂曰洎所上表深

又戒疎競之輩矜澆薄之風矣今付史館

四歎薄俗良久出別賜張洎詩一首本

學士以成深意宜付史館以塞奔

出四體書前所賦詩一幅草書者尤

明首言上乞之呂蒙正亦欲得焉易簡

前奏曰臣先請蒙正已不及矣上笑而賜之

至道賞花賜詩

元年三月十六日壬戌後苑賞花特召司空李昉坐

於尚書之上帝臨池釣魚賦詩一章賜宰相蒙正等

群臣應制者五十五人上作釣魚詩斷章意以屬呂

端後數日為相在四月九月九日賜近臣宴於中書

御製詩賜之上又賜王禹偁詩一軸至和二年十

二月巳亥其孫延巳上之詔賜錢萬以御詩還其家

太宗妙覺集歌詩

祥符九年正月庚午譯經潤文官兵部侍郎趙安仁

錄太宗妙覺集歌詩為一卷請以妙覺秘詮為名又錄聖製法音集論頌贊詩為三卷請以法音精要為名摹印放行祥符二年十月癸巳對輔臣于崇政殿西廡內出太宗聖製詩御書故事皆有鑒戒示王旦等曰此先帝朱才人所藏近者上進

咸平南郊詩

二年八月戊午社宴近臣于中書作社日五言詩賜之屬和十一年丁亥八日南郊禮成宴近臣李沆第作親祀南郊五言詩賜之屬和五年十月癸卯賜近臣宴作南郊五言詩賜之舜歌救命周頌告成

御製詩歌

咸平賜宴賞花詩

二年八月壬子侍讀學士楊徽之等赴職賜宴秘閣上作七言詩賜之九月戊子作重陽七言詩近臣屬和三年二月丙子賞花宴于後苑作仲春賞花釣魚七言詩群臣皆賦遂射于水殿四年三月巳丑後苑曲宴作五言四韻詩命儒臣賦八月戊辰社宴近臣于中書兩制館閣于崇文院作七言詩賜之繼和九月丁丑重陽宴近臣于呂蒙正第作五七言詩咸令繼和

咸平喜聞捷奏詩 景德北征回鑾金詩

咸平二年十二月辛亥詔巡邊九月契丹入寇甲寅京師
 戊午次澶州甲子次大名府以軍衛列為行陳上躬
 御鎧甲于中軍諸樞密介胄以從命王顯宋湜分押
 後陳橫亘數十里部伍嚴整丙子詔百官言邊事三
 年正月丁亥十九日范廷召大破契丹於莫州東斬首
 萬餘級餘寇遁逃庚寅奏至百官稱賀御六師幸澶
魏天聲一振
虜騎四逃辛卯宴從臣于行宮癸巳作喜聞捷奏五七言
 詩二首題行宮之壁命近臣館閣屬和甲午發大名
 府庚子車駕至京師景德元年九月契丹寇定州王
 師拒於唐河丁酉上召輔臣議親征十一月戊辰以

柳製詩歌

李繼隆石保吉為排陣使庚午車駕北巡癸酉駐葦
 城甲戌寒甚却貂裘而不御契丹率眾至澶淵犯前
 軍西陣有戎帥黑旗幟出大陣前伏弩殪之即捷覽
 也丙子次澶淵步輦渡河戊寅御北城行宮曹利用
 使契丹還十二月庚辰契丹使韓杞請盟乙酉御行
 營南樓觀大河宴從臣丙戌遣李繼昌使契丹戊子
 燕從臣于行宮上作北征迴鑾詩詩曰銳旅懷忠節
羣胡竄北荒堅冰銷巨浪輕吹集佳祥繼好安邊境
 和同樂小康命近臣和甲午駕發澶淵戊戌還京
 仁宗慶曆八年三月甲寅幸龍圖天章閣觀真宗幸

澶州詩碑文至和二年三月丙戌詔澶淵御製親書回鑿詩存于州廡其令刻石藏之帝于出征祥風挾

轅一鏃星流羣狄无犇嘉祐二年二月戊申命宰

臣彥博篆書澶州信武殿真宗御詩碑額

咸平景德祥符賜進士及知貢舉詩又見後

咸平三年四月巳巳賜進士陳堯咨等宴瓊林苑作

五七言詩二首賜之自後每放榜即賜詩六月庚戌

賜進士齊革等詩景德二年二月庚子作詩賜知貢

舉趙安仁等有夙夜惟公精攷藝之語四月辛卯宴

進士李迪等于瓊林苑賜五言詩六月甲申賜范昭

御制詩歌

河北進士等七言詩祥符元年五月丙寅賜進士七

言詩二年七月甲子賜梁固等五言六韻四年十一

月丙申賜張師德七言詩六韻詩學士楊億五年四

月乙巳賜徐奭等五言詩竝宴瓊林苑七年十月甲

子賜張觀等七言詩八年四月庚申賜蔡齊巳下七

言詩

咸平景德賜种放詩

咸平五年九月戊申終南种放入見崇政殿授左司

諫癸丑復名見賜五品服賜五言詩乙卯賜第一區

六年三月請歸丙午授起居舍人戊申宴餞龍圖閣

梅

二年

百

監生施可光

癸丑又詔館閣餞於瓊林苑賜七言二韻詩三章羣臣皆賦景德二年五月二十日丁卯放賜告遊嵩山宴羣臣資政殿餞之賜放七言詩令屬和從臣皆賦復賜會于祕閣王欽若之直廬三年四月二十四日乙未放歸終南山召放及講讀待制宴龍圖閣作詩賜之翌日賜宴祕閣祥符二年四月壬辰七放以集賢院學士歸終南宴餞龍圖閣賜七言詩命學士即席賦詩作序令杜鎬援引名臣歸山故事翌日內出羣臣詩序示宰臣以晁迥詩楊億王曾序為優因繕寫賜放時論榮之杜鎬誦北山移文以規放三年

御製詩歌

正月甲戌作歌一首賜放曰知卿素尚遂卿懷或不志規遠相寄四年四月己未宴近臣龍閣上作送放歸舊山五七言詩預宴者皆賦咸平六年十月三日己未對輔臣龍圖閣觀種放山居圖放別業在終南山泉山勝帝命畫工圖之

郭贄傳拜翰林侍讀學士作七言詩賜之有感發之三疏典常之句杜鎬傳祥符三年遷龍圖學士上日錫宴祕閣上作七言詩賜之周起傳知開封府真宗幸府留燕射堂賦詩命起書以刻石起請曰陛下昔龍潛於此其正寢非陛下所宜處請避居西

無詔可因名為繼照堂
薛映傳知河南府初汾陰
還駐蹕以映有治狀賜御詩嘉獎

咸平景德祥符瑞雪詩

咸平四年十一月丁亥作雪詩一首示呂蒙正等
意即席賦五年十二月乙丑大雪上作七言詩賜近臣
和景德二年十二月十六日庚寅雪命資政大學士
三欽若宴館閣羣臣帝作七言雪詩令屬和三年十
一月癸亥日南至大雨雪甲子宴近臣作雪詩賜之
命與館閣官皆和四年十一月辛巳叶八雪宴近
于中書館閣于崇文院帝作瑞雪五言詩令館閣

詩歌

席和進兩制次日來上祥符三年十一月壬午雪上
作七言詩賜近臣屬和己丑大雪賜輔臣飲于中書
上作再降瑞雪七言詩賜之今繼和四年十二月丁
未大雪宴近臣上作瑞雪詩賜之八年十一月甲子
作瑞雪歌慶曆六年世續以真宗
喜雪詩石草本來上

景德元日會朝詩

景德四年正月己亥朔朝元殿受朝上作元日會朝
詩七言

景德御宴賜詩 龍圖閣賦詩 龍圖閣賞

四十二月二日巳曲宴後苑初臨水閣垂釣又登太

清樓觀太宗御書及新寫四部群書又至景德殿放生池東至玉宸殿歷翔鸞儀鳳二閣命座置酒帝作五言詩從官皆賦遂宴太清樓下是月十六日甲寅大宴崇德殿中飲召近臣宴于後苑賞花釣魚帝作千葉牡丹詩從官畢賦召大理評事宋綬邵煥預焉二年四月二十一日戊戌幸龍圖閣近臣畢從又召直昭文館种放預焉閣太宗御書又觀諸閣書盡宴于崇和殿帝作五言詩從臣皆賦命李宗諤楊億作序庚子又作贊以賜輔臣

景德賜邢昺詩

四十二年七月七日庚午幸道一於龍圖閣之崇和殿餞侍講學士邢昺赴常州刑部尚書温仲舒宋白侍郎郭夔預焉昺視壁掛尚書禮記圖指中庸篇凡為天下國家有九經事因講大義皆有倫理在位聳聽上嘉納之群臣皆呼萬歲即席賜詩二首以寵其行命群臣咸賦及行又令近臣祖送會於宜春苑十一月甲戌宴學士郭贍于秘閣上作七言詩賜之

祥符賞花詩

祥符元年三月九日庚午召近臣宴後苑帝作賞花七言詩三年閏二月二十七日丁丑召輔臣至宜

聖殿朝拜太宗皇帝作賞景觀花詩以賜從官即
席賦詩又御水以殿垂釣遂宴金華殿小苑花皆大
宗命中黃門所植滋茂異常輔臣所未至也幸未系
晏近臣于後苑上作賞花七言詩侍臣皆賦命宋綬

晏殊卻煥作事

四年三月八日辛巳車駕駐西京

命從臣射于後苑淑景亭移宴長春殿帝作賞花開

宴詩五年三月二十日丁亥召近臣賞花後苑以兩

移御宗政殿南軒曲宴命賦詩有頃御北殿賜宴作樂

帝正賞花及喜雨詩二首群臣即席和進八年三月

丙申是後苑上作賞花七言詩

祥符觀書閣宴

三年正月二十八日戊寅近臣觀龍圖閣太宗御

書及四部書籍又至閣西曲觀畫帝顧謂馬知節曰聞

卿別畫可盡評之知節以古今工拙對即賜酒於閣

下帝作觀書閣宴五言詩令即席皆賦又至資政殿

觀大尊像記先是泰山有石像在岩崖間頗多頽缺

帝登封見之因別命修琢且易舊像置內庭又出聖製

會真宮碑九天司命天尊殿銘泰山重修聖像記帝

復作觀新製太山銘記五言詩一章王旦等屬和四

年十月丙寅觀太宗聖製作詩

祥符幸射堂詩

三十一閏二月丁卯幸開封府射堂又至西堂閱太宗御五言圖書遂射于射堂上作七言詩從臣畢賦成辰樞臣王欽若上駕幸舊邸七言十韻詩上作歌以答仍加詔褒之

祥符貴慶食吟 軫田夫吟 念農歌

三十一三月丁酉謂宰臣王旦曰朕自北鄙和好邊陲無事于然居安慮危未嘗敢自暇逸每為文自警置諸座右六朝夕觀之因出書食吟軫田夫吟念農歌等戒箴以守官箴以示之

祥符觀龍歌

三年五月二十八日召輔臣於崇政殿北廊觀中使任文慶於茅山鄒真人池中所獲龍長二寸許極細鱗腹如玳瑁手中仰覆無懼帝作觀龍歌後送茅山池中

祥符御宴觀瑞物詩

三年八月八日甲寅詔近臣觀書于龍圖閣觀瑞物于崇和殿遂宴于崇和殿帝作七言詩侍臣即席皆賦初觀瑞物史臣晁迥楊億曰此並聖朝受命之符不載於史冊望內降名件付史院從之庚申上作七

詩賜永興軍王嗣宗

祥符御宴御集詩

三年九月一日丙子幸右奉天祥符門觀上梁遂宴于崇政殿帝作五言詩近臣畢和賜從官襲衣金犀帶緡錢有差

祥符汾陰禮成詩

汾陰聖製歌詩

誦

宴詩 西祀還京歌

四年二月丙寅賜百官誦宴凡二日上作祀汾陰禮成詩就賜之時在河丁卯上作五七言詩賜寧王元偓庚午幸巨靈觀上作西岳真君贊華山仙掌七言

詩製詩歌

詩以示從臣乃華山隱士鄭隱敷水隱士李寧對子行宮上作詩以賜三月乙亥作駐蹕陝州五七言詩壬午幸上清宮上作宮銘及七言詩示近臣癸未作遊龍門詩己丑上作五言詩賜知河南薛映庚寅賜醮宴於河南上作大醮七言詩二首庚子上作駐蹕鄭州七言詩從臣畢和四月丁未作西祀還京歌有寬簡育羣生受恭号大寶之語賜近臣和庚戌三司使丁謂等請以汾陰路聖製歌詩命大臣書立石詔令知樞密陳堯叟書丙辰大宴含光殿上作慶成開元七言詩群臣皆和八月庚戌以汾陰禮成曲宴宗

三每多三

乙未賜麟宴百官於錫慶院宗室於相王宮上作六
言五言詩賜群臣和丙申又作六言五言詩賜相王
元僊已下屬和七年五月乙未作奉祀禮成述懷
五言百韻詩賜近臣館閣屬和

祥符喜雨述懷詩 甘澤應祈歌

四年三月庚辰上作喜雨述懷歌及駐蹕述懷詩六

首近臣畢和辛巳命從臣射于後苑淑景亭移宴長

春殿作賞花開宴可八年二月庚辰大雨一作甘

澤廣祈歌賜近臣九年八月甲寅又作甘雨

祥符新集御製文頌歌詩 嘉穀詩 御

製文論歌詩 館閣聖製

四年九月丙子秘書監向敏中判昭文館晁迥等請
集聖製藏於館閣詔除已刻石銘記等勉依所奏其
餘雜文篇什或宣賜者並令依次抄錄藏於龍圖閣
三館秘閣不得與太宗文集並處五年四月癸卯以
新集御製文頌歌詩十五卷藏秘閣從敏中請也

實錄祥符六年七月己未召輔臣觀粟于後苑移御

山亭觀粉牌新書御製文論歌詩復閱御書及嘉禾

圖上作嘉穀詩賜輔臣 天禧四年十月戊午上御

王洽卷三十一
三百三十六 羅相
龍圖閣召近臣觀圖籍御製文論歌詩丁謂等乞鑿
板許之遂宴資政殿

祥符觀書詩

四年十月戊辰召修玉清宮使丁謂李宗諤觀內殿
御書因命宴上作觀書詩賜謂等十一月丁丑出
占城國所獻師子命近臣視之上作七言詩預觀者
咸賦又作長歌令近臣屬和

祥符元日詩

五年正月己巳朔上作元日五言詩賜近臣和癸未
乾元樓觀燈作七言詩六年正月癸巳朔御朝元

御製詩歌

殿受朝上作元日五言詩賜近臣天禧三年正月

己未朔作元日詩

祥符賜知貢舉詩

天禧附

五年正月癸酉命學士晁迥等知貢舉甲戌上作詩
賜晁迥等曰盛時選士貢闈開聲宇聞風獻藝來心
似權衡求實効勿令蓬華有遺才甲午又賜迥等手
詔天禧三年正月丁卯命學士錢惟演等知舉翌
日賜御詩一章二月丁未又賜七言詩二首

祥符賜允寧詩

為政歌

五年正月二十七日乙未帝作七言詩賜允寧等先

定允寧等諡易終篇習虞世南書有楷法帝說其向
學故賜詩獎焉九月癸巳賜楊億七言二韻詩有側
席待名賢之句十月辛亥作為政歌賜輔臣

祥符宴射詩

五年四月五日壬寅幸金明池瓊林苑宴射帝作五
言詩七年八月八日辛酉幸瑞聖苑觀稼射于水心
殿帝作五言詩十月丙寅射太清樓下賜五言詩八
年四月甲寅幸瓊林宴射帝作七言詩九月九日幸
瓊林苑宴射作七言詩五月二日幸玉津園射作七
言詩三年四月辛未幸城南觀刈麥遂幸玉津園

宴射詩

宴射上作七言詩賜近臣和

祥符綠龜詩

五年四月辛酉後苑池中獲綠毛龜上作七言詩近
臣畢和五月癸酉上以宗室所和綠毛龜詩示宰臣
七月癸巳玉清宮獲綠龜上作七言詩三年四月
甲戌宜聖殿池獲綠龜上作七言詩

祥符觀稼詩

五年五月癸未幸京城南觀刈麥種稻三年四月移
幸玉津園宴射上中的者十作觀稼七言詩賜近臣
和閏十月丙子出玉宸殿新稻賜輔臣并以聖製

言詩示之六年四月丙戌幸玉津園作觀稼五言詩八年七月丙子幸瑞聖園觀稼作五言詩九年五月乙巳城南觀麥作七言詩

祥符金華殿種麥歌 蠶麥順成詩

五年五月戊子以苑中金華殿所種麥示輔臣復作歌以賜六月辛丑以諸王所和觀麥歌示羣臣七年五月庚戌上作蠶麥順成 七言詩賜近臣

祥符瑞應詩

五年六月壬子玉清宮使丁謂言天書閣上有白雲五色作瑞應五言詩賜近臣屬和九月甲申大宴含

御製詩歌

光殿日有赤黃珥直氣五色雲上作七言詩賜近臣和十月庚申上作司命天尊降臨七言詩賜近臣和

瑤水之歌 交門之曲

祥符賜諸王詩

五年九月庚寅幸鄆交王宮又宴相王元偓宮從臣宮僚畢預上作七言詩賜之元偓等奉觴上壽又射于西南亭復幸元偓元儼宮二鼓而罷議者謂唐興慶花萼故事無得而比十月丁未上以宗室進和詩示輔臣十二月庚寅內出御製皇姪允明詩集泊唱和詩二序賜元偓手詔及詩共五卷示宰臣詔付祕

祥符瑞石詩贊

五年閏十月丁丑作舒州瑞石符應七言詩 謁謝
啓聖院太宗神御殿禮畢於龍圖閣取太平興國中
舒州所獲誌公石示輔臣上作詩又作贊名曰神告
帝統石

祥符神雀詩 甘露詩

五年十一月三日丙申恭謝玉皇於朝元殿禮畢帝
作朝玉皇觀二鶴神雀詩三首近臣畢和庚子作聖
祖降臨記 庚戌錢惟演言甘露降所居叢竹上作

御製詩

五言詩賜之

祥符昭應宮賜宴詩

五言十一月庚申昭應宮使王旦赴上于本宮遂賜
宴近臣畢預上作詩賜旦是日雪又作雪詩賜旦等
祥符述古宣德殿御詩

五年十二月十四日丁丑召近臣至龍圖閣閱書開
宴觀新修述古宣德二殿又幸資政殿帝作七言詩
命即席皆賦

祥符奉先歌

具饗廟

真

祥符筆硯歌 連理木詩

六年正月乙巳上作筆硯歌羣臣屬和丁未作觀燈
五七言詩二月丁卯清心殿宜聖殿木連理上作七
言詩二首賜近臣癸酉作紙墨歌賜羣臣和庚辰作
寒食詩賜羣臣

祥符賞花釣魚詩

六年三月五日丙申賞花宴于後苑帝作賞花釣魚
七言詩從臣皆賦又召從臣令觀苑中連理槐屏風
連理栢遂射太清樓下丁酉上作連理槐栢詩三首
賜近臣屬和 六年三月甲午上巳宴羣臣上作七

經史林氏曰序乃歷代史官相傳以為書之總目

猶詩之有小序也吳氏曰先序者孔子之序猶詩

之大序也再序者當時之序猶詩之小序也

古文尚書者出孔子壁中

注師古曰家語孔騰藏尚書孝經論語於夫子舊

堂壁中漢記尹敏傳云孔鮒所藏二說不同決疑

曰隋志云武帝時魚豢王壞孔子宅得其末孫惠

所藏之書皆古文也史通亦以為孔惠所藏則又

非師古所引二人者矣

酒 石說一

揚子曰昔之說書者序以百而酒誥之篇俄空焉
今亡夫伏生大傳酒誥曰王曰封唯曰若圭璧其
說簡之文與

文字異者七百有餘

歐陽夏侯之學不傳今無所攷以古文攷之

粘文如羸內國語放勛中鬻伯渠會絲史

力記戲乃獲調禮大命禹蔡南僞揖五瑞楹遷傳納

葉木沛河厥葉惟出盟豬夏秋瑤瓊內夏服服田

而寒五品不遜漢書泉谷縣平豔東作剛

而寒五品不遜漢書泉谷縣平豔東作剛

觀書流孟詩二首侍臣皆賦

祥符閔農歌 念邊詩

七年六月丙子棣州涇州流民歸業者給復三年辛

巳作憫農歌賜近臣和 二年三月癸卯作念邊五

言詩賜近臣屬和五年十月乙巳又作念邊五言詩

賜近臣

祥符讀十一經詩 讀十九代史詩

七年六月庚辰上作周易詩三章賜群臣和先是上

每著歌詩問命輔臣宗室兩制館閣屬和而資政殿

龍圖閣學士待制和尤多至是編詠經史三司諫官

龍圖閣學士待制和尤多至是編詠經史三司諫官

御史或預磨載其大禮慶成及酺會則百僚並賦七月辛亥作尚書詩三章八月庚午作春秋詩三章九月甲申作毛詩詩三章庚戌作周禮詩三章十月甲戌作儀禮詩三章十二月庚辰作公羊詩二章八年正月丁未作穀梁詩三章閏六月癸巳作孝經詩三章賜群臣和七月辛未作史記詩三首八月甲申作前漢書詩三首并注賜群臣屬和乙未作後漢書詩辛丑作三國志詩九月庚申作晉書詩十月辛巳作宋書詩十一月戊申作南齊書詩辛未作梁書詩十二月乙亥作陳書詩王旦等曰陛下非惟多聞廣記

實皆取其規鑒九年正月辛未作後魏書詩三月癸丑作北齊書詩四月甲申作後周書詩五月乙丑作隋書詩十月戊寅作唐書詩十二月癸未作五代梁史詩天禧元年正月壬戌作後唐史詩二月辛未作晉漢周史詩並注賜群臣屬和其讀十一經也起七年六月庚辰成於八年閏六月癸巳其讀十九史也起八年七月辛未成於天禧元年二月辛未

祥符宴群臣賜詩

七年八月二十五日戊寅真遊殿上梁召近臣焚香
田夏于夏殿帝作七言詩令近臣繼和十一月壬

石御乾元門觀酺十一日癸巳賜百官宴錫慶院宗
室于瑞聖園帝作七言詩群臣咸和 九年二月丁
酉寒食宴近臣賜五言詩三月丁未宴群臣于園苑
上作上巳五言詩賜之十一月二十三日癸亥召中
書樞密院兩制至刺史以上赴龍圖閣觀書特召楊
億呂夷簡馮元預會帝作觀書七言六韻詩二首分
賜寧王元倓及輔臣王旦等又作七言四韻詩三首
分賜學士晁迥以下命儒臣即席皆賦 亦如景德二
年幸此作詩命李宗諤序之也 乙卯作冬至七言詩

祥符會靈觀詩

八年十一月辛亥作冬 至立成七言詩丁巳詣會靈

觀上作七言詩賜群臣 甲子詣景靈宮上梁作五

言詩瑞雪歌 乙丑王欽若上承天 節夷蠻戎

狄同獻壽歌 丙寅五月甲寅景靈宮迎御書

額上亦七言詩丙寅作景靈宮成七言十 韻詩近臣

辛卯六月丙寅作會靈觀成七言詩賜近 臣和十一

元甲辰會靈觀作七言詩 八年閏六月庚

寅帝上 詩百餘篇

七月入禁中命高正字 四月庚申亦七言詩賜蔡

詩

卷之三

九年二月庚子後苑觀太宗御書
同三聖製六言詩
麟上作歌詩二卷命漢言
象瀛山翠芳亭述聖三宸

羊神六言詩三陽詩

九年三月庚申壽春縣王會文張士遜等十官善堂
終篇賜一以張士遜等會于善堂上作七言詩二
首
四年四月戊戌一遜等請以三製資善

壁於
詩

何敏中詩

九年六月庚戌長春殿餞向敏中作五言

臣其行十月壬辰作詩二章分賜龍圖閣待

己亥河廣直龍圖閣馮元

天禧祭謝南郊詩 中和節詩

九年正月十一日辛亥奉天書命祭天

祭五岳祭茶謝南郊七言詩近臣咸和乙卯又作

元禧二年庚午朔上作中和節五言詩賜三旦已

下...三年二月己丑朔上作中和節詩

天禧喜春兩詩

相...正月己未作喜春兩詩賜學士己下屬和
相...表曰念及蒸民異周成之儀鳳樂茲瑞應踰漢
...飛雲

天禧清景殿書事詩

元年二月作憫農天時地利稼穡省費為政簿

宰郵刑安民十題共百篇皆有序戊寅召燕一至

圖閣示之會要 仁宗於乾興元年八月

景殿書事詩二卷賜輔臣

天禧太清樓閣書歌詩

見觀書

大禧觀酺詩 稼穡倍登詩

元年二月壬申_三御正陽門觀酺大合樂癸酉宴百

官錫慶院作景靈宮成賜酺七言詩賜從臣和 二

年九月庚午御正陽門觀酺辛巳宴百官錫慶院宗

室通王宮作大酺七言十韻詩勸酒四韻詩分之又

以稼穡倍登詩示輔臣 四年十月壬午上御正陽

門觀酺宴宗室近臣于樓上癸未宴百官宗室作賜

酺七言詩賜之

天禧崇徽殿芝草歌詩 皇太子書御製

詩 學書歌 勸學吟 資善堂賜歌吟

二年正月庚子內出真遊崇徽二殿芝草圖上作歌

一首五七言詩二首崇徽皇后所居殿也辛亥詣元符觀宴從

官于資善堂出賜壽春郡王歌吟七首紀云恤黎元

符觀頌資善堂記及壽春郡王詩什篇翰一作翰示輔

臣向敏中等曰王始著吟咏句意精奇揮翰適麗天

縱才藝本於樂善之性咸再拜稱賀八月癸丑賜太

子元良箴七言十韻詩又作七言詩分賜賓客李延

庶子張士遜 三年二月丁未十九日內出皇太子所

御製詩歌

書御製詩示輔臣帝作學書歌賜之內辰又作勸學

吟賜太子進呈學書賜詩五首 帝學云賜王歌凡

七軸曰勸學修身懷儉約謹所好卹黎民勿矜伐守

文

天禧玉宸殿觀麥詩 瑞穀歌

二年十月庚子玉宸殿觀占城稻賜宴安福殿上作

七言詩三年四月壬寅作玉宸殿觀瑞麥七言詩賜

近臣庚戌幸玉津園宴射作觀稼五言詩四年八月

戊戌出玉宸殿瑞穀圖示輔臣作歌六首 又三年

十月壬辰召宗室近臣觀西天綠豆小香占城稻上

作七言詩三首賜之屬和。晏殊表曰：靈苗嘉穀，觀瑞穎於星田；僊翰寶童，捧宸辭於龍檢。掩蘭菊於漢篇，越茨梁於周雅。禹稼蕃茲，堯病蔚。

天禧宴宗親詩 瑞雪詩 宴群臣賜詩

二年十一月乙丑作冬至詩，乙亥作冬至日宴親賢詩。又出聖製三教詩百首，歌論九首，雜詩一卷，賜輔臣。癸未作後苑宴會宗親七言十韻詩，賜太子。十二月辛亥作立春詩。二年十月乙未雪，上作瑞雪五言詩二首，賜輔臣。四年正月乙卯雪，作詩五首。三年三月癸亥大宴會慶殿，上作五言詩群臣畢和。丙

御製詩歌

寅親試舉人，上作七言詩，賜羣臣。命皇太子書以賜輔臣。是日召知舉錢惟寅等對景福殿，出皇太子親寫御詩二紙以賜之。王曉、楊億、李諮再拜請之，翌日各賜一紙。十二月庚寅作瑞雪詩，賜近臣。庚子又作瑞雪詩。四年正月乙卯雪，作五言詩五首，賜近臣畢和。太子書御詩，又見翔鸞觀御書。是歲三月庚午也。

天禧賞花釣魚詩

三年三月庚午宴後苑，登翔鸞閣，觀太宗御集聖製。又御儀鳳閣，玉宸安福殿，遂臨池垂釣，射于太清樓。

下帝作賞花釣魚五七言詩命皇太子書以示近臣
群臣皆賦四月癸卯幸金明池瑄森苑作七言詩賜
近臣 四年三月巳巳宴會慶殿內出牡丹賜群臣
作牡丹五七言詩命近臣和 著飛雲之雅什彰清
露之多歡

天禧天安殿賜詩 南郊詩

二年十一月戊辰奉天書于天安殿作五言詩賜近
臣屬和巳巳作天安殿酌獻天書薦獻景靈宮五言
詩二首賜近臣庚午朝享六室作太廟致齋五言詩
賜近臣辛未祀天地壇是一作南郊五言詩賜近臣

御製詩歌

丙子上齋長春殿作五言詩賜近臣巳卯作大禮慶
成五言詩賜近臣

天禧歲時新詠

三年十二月辛卯賜輔臣御製元良述六藝箴各一
卷承華要略正說奉道詩各十卷歲時新詠三卷
眞宗御集有詩八十九卷歌十五卷詞四卷樂章一
卷樂府集三卷新詞二卷

天聖清輝殿山水石詩

天聖八年三月壬申幸後苑賞花釣魚觀唐明皇山
水子石于清輝殿因命從臣皆賦歌詩遂宴太清樓

翌日盡取詩付中書第優劣六月丙戌校理韓義以惡詩落職

王琪歌曰金鉤粲粲光芒動羣玉木林森氣象新

天聖賜孫奭詩 賜進士詩 見御書

九年十一月十日癸未翰林侍講學士孫奭知兗州賜近臣館閣官餞于瑞聖園帝作七言詩寵其行詔近臣皆賦先是閏十月戊辰奭辭曲宴太清樓命從臣賦詩召晁迥及近臣預帝賜飛白 趙師民知耀州帝自寫詩寵行日以儒林舊德 李端懿知鄆州帝賜詩寵之命端明曾公亮知鄭州賜詩一首寵行公亮刊石以墨本上進

明道藉田詩

明道二年二月十六日辛亥賜百官福酒帝作藉田禮畢詩七言一首賜宰相呂夷簡等次韻和進己未命夷簡殊撰藉田記三月丁卯大宴集英殿

景祐賞花釣魚詩

景祐三年三月六日乙酉曲宴後苑賞花釣魚賦詩群臣席上和進移宴太清樓

景祐化成殿芝草詩 奉禋歌 見樂書

景祐四年五月二十五日丙寅御化成殿以芝草生於殿楹及群臣兩制等觀帝作瑞芝五言詩賜陸

三隨以下翌日各為詩賦頌以獻熙寧四年五月召
輔臣觀化成殿芝莖舊曰玉宸明道元年改四方貢
珍果常貯此殿

寶元太清樓賜詩

寶元二年十一月六日癸巳以皇太子生宴輔臣宗
室于太清樓讀三朝寶訓賜御詩 慶曆四年九月
丁亥召宗室宴太清樓射苑中

慶曆喜雨詩

慶曆七年春旱三月癸巳上下責躬之詔避殿減膳
宰相賈昌朝陳執中等乞罷不許及昌朝罷執中拜

第降一官辛丑幸西太一宮祈雨歲蓋不御及還
而雨群臣請復膳御殿上乃復執中等官下詔以交
修廢職不忘罪己引過之義四月丁未幸西太一宮
謝兩壬子御殿復膳又賜喜雨詩一章以勉之賜二
以至和二年五月庚申兩賜喜雨燕于中書

皇祐幸資善堂詩

元祐七月壬子朝拜真宗神御回幸資善堂作詩云
先皇教善啟東闈云云壽日學文親政地仰懷慈訓
倍依依堂中藏先朝賜書有楹書在路欽遺澤之句

嘉祐賜李淑詩

二年九月十一日翰林侍讀學士李淑出守河中。變
云言六韻詩賜之。是年九月丁丑龍圖直學士梅摯
出守杭亦賜詩寵其行。

嘉祐賞花釣魚詩

六年三月二十五日戊申幸後苑賞花釣魚宴太清
樓出御製詩一首命從臣屬和。四月丁丑賜新進
士聞喜燕于瓊林苑遣中使賜御詩及大學篇各一
軸。是歲之夏賜判定州李昭亮御詩一章。

嘉祐飛白御製觀書詩

七年十一月二十三日丙申幸龍圖天章閣召輔臣

侍制臺諫官皇子宗室觀三聖御書又筆寶文閣帝

親為飛白書以分賜從臣仍出御製觀書詩一首賜

近臣繼和翰屬遂宴羣玉殿是日復詔翰林學士

王珪撰詩序刊石寶文閣醜王珪序曰臣珪等二

十有八人廣宸囑以進壬子再召觀瑞物又陳先朝

述作之文復宴羣玉殿大合樂出禁中肴體本紀實

召從觀斷又王珪和詩云筆迴丹穴鳳歌起沛中

雲臣僚應制詩三十八首

仁宗御集百卷而詩二卷為之冠樂章二卷次之

童聖受元壽之錫親作法曲十六章仁宗嘗景祐之

隆幸修祀典亦蒙雅歌六十八章

元豐賜文彥博詩

七年三月二日辛丑宴文彥博于瓊林苑賜御製詩以彥博入覲也又元豐三年閏九月壬子賜彥博御筵上自為詩賜之命參政章厚為序詔曰來覲外廷相成宗祀崇進公品往莅洛師錫燕賜詩昭示殊禮仍敕近輔序而識之

元祐邇英閣賜詩

見前

建炎御製中和堂詩

建炎三年四月壬戌上登中和堂囑稽山思夏后之功瞰濤江懷子胥之烈製詩五月辛丑張浚至行在復為知樞密院上親書御製中和堂詩賜浚曰願司越勾踐焦思先吾身卒章曰高風動君子屬意種蠡臣淳熙十一年十一月一日丙戌宰執謝賜太上稽山詩石上曰太上詩規模宏大所以賜卿者正欲仰體太上之意如屬意種蠡臣之句堂在杭州舊治有清風亭望海樓至和三年杭州守孫沔重修錢氏闕禮堂更名中和高宗御書謂斯堂偉特之觀無愧上都薰風南來我意雖快願庶人共之後改為

侍觀堂

紹興喜霽詩

紹興十九年太史令胡平言十一月十二日行禮景靈宮登輦出內天氣開明見帝坐及三台星體明耀十三日車駕至青城陰霧收斂登壇至禮畢天氣澄肅星月明瑩回鑾肆赦有彩雲之瑞乞宣付史館從之上因是親製喜霽詩宰輔從臣皆和以進詩日氣

冊姐豆羣工泰喜入貌貅萬馬秋

魏文帝有喜霽賦

文選注

唐太宗有初晴詩

初學記

隆興康壽殿金芝詩

隆興二年三月二十四日作七言四韻詩有永將四海奉雙親之句太上皇御製贊曰律身以道既濟則亨煌煌競秀結液蟠英

乾道賜虞允文詩

乾道八年九月虞允文以少保節度宣撫四川上以詩送之曰不辭論道虛台席暫假宣威築將壇歸來尚想終霖雨未許鄉人衣錦看用李綱故事御正衙親酌卮酒賜之俾即殿門乘馬持節而出都人以為寵

洪邁跋孝宗御詩謂制作之懿播之詩章與天為徒

闕闔造化蓋與舜元首之歌湯之盤銘漢祖沛中所
作相為表裏自橫汾瓠了以下不足議也 孝宗詠
冷泉堂曰平生雄武心覽鏡朱顏在豈惜常憂勤規
恢頌廣大

淳熙宴射詩 見射類 賜張子仁史浩詩

淳熙元年九月十八日幸王津宴射賦七言詩賜魯
懷以下與宴者皆和 二年五月十日製詩賜進士詹
駉 三年六月一日製詩書扇賜集撰張子仁四年三
月一日製衆妙堂詩賜淮東提舉吳璠十月一日製
詩賜少保史浩浩以舊學錫宴內苑命宿于玉堂翌

日有詩來上因俯同其韻賜之浩恭題御製和詩

季秋壬子錫宴於澄碧殿命宿玉堂之直廬是夕裁
成古詩三十韻上進殿下賜以宸章俯同其韻有曰
躋民期仁壽有曰朕瘠天下肥見陛下之用心有曰
都護萬年觴何當至庭祀見陛下之立志十一月壬
寅召學士周必大至清華閣上曰朕和浩詩卿可和
以進賜詩本并茶墨進和篇云淳熙視正觀何啻相
表裏五年十月史浩除少傅賜第城中出御製長春
花詩酬和至再示眷留之意六年六月四日又賜張
子仁詩八年八月十一日又賜浩詩錫宴歸歎其行

淳熙元年八月十一日又賜浩詩錫宴歸歎其行

十一年四月二十五日又製詩餞浩行

淳熙秋日幸秘書省有詩

五年九月十二日壬申幸秘書省觀圖書宴右文殿
翌日癸酉內出御製近體詩賜宰臣史浩以下群臣
咸和又有賞春喜晴因想中原詩苑中即事詩冷泉
堂古風

淳熙玉津喜晴詩

十二年三月二十六日車駕宿戒幸玉津園命下大
雨將曉有晴意已而天宇豁然洪邁進詩歌詠四月
四日竈從景靈宮賜聖製云此幸玉津園縱觀春事

適霽色可喜卿有詩來上因俯同其韻春郊柔綠遍
桑麻小駐芳園覽物華應信吾心非暇逸頓因晴意
絕咨嗟每思富庶將同樂敢務游畋漫自誇不似華
清當日事五家車騎爛如花

淳祐講禮記賜詩

六年十月講禮記畢錫宴秘書省御製七言唐律一
首云天高地下禮居中云云
徹章賜御製詩自此始
十一年講易終篇賜詩

瓊章寶字巍墳襲經日星昭回被物成飾精能之至

入神出天白雲起而帝歌翠華飛而臣賦雅頌之盛
 與三代同風黃竹白雲垂芳帝籍虞舜股肱之歌漢
 皇日月之唱沛邑有歌唐殿有詩然志於威加未嘗
 思治安於已欲念不及民 邁殷湯之晨露掩虞舜
 之薰風謝中和節御製詩 沛筑永言漢臺清什發叢
 雲之寶思詢儀鳳之雕章七言超沛邑之歌五字掩
 芙蓉之作集靈七字粲星緯以騰華沛邑三侯曼咸
 韶而儷曲間持錯寶之蚡獨揆飛雲之思沛筑有章
 栢梁有詠詩紀靈臺篇述宮體布堯言於天下粲王
 字於日中堯思安安周文郁郁東井珠連於五字比

辰杓貫於七言超汾水素波之詠異建章黃鸞之
 亮言炳煥禹律鏗純麗越汾辭清瀚沛曲放勛之
 有煥帝舜之歌惟幾日月光華金玉英潤昔豈羣
 之府聆銘入之奏雖六風之歌宣房之詩橫汾之
 固不足以比儼蒼作之萬二奏薰風詠叢雲湯制
 促於盤銘虞歌澹泊於琴曲橫汾乃縱賞之亭
 匪勸誠之文

山田屋

山田屋



